



OFISI YA WAZIRI MKUU
KAZI, VIJANA, AJIRA NA WENYE ULEMAVU
MRADI WA KUKUZA AJIRA NA UJUZI – TANZANIA
(EMPLOYMENT AND SKILLS FOR DEVELOPMENT – TANZANIA (E4DT))

TAARIFA KWA UMMA

**FURSA YA MAFUNZO YA UKUZAJI UJUZI KATIKA FANI ZA UCHOMELEAJI VYUMA VIWANDANI,
UFUNDI BOMBA WA VIWANDANI, NA UFUNDI BOMBA WA MAJUMBANI - AWAMU YA TATU**

1. Utangulizi

Ofisi ya Waziri Mkuu - Kazi, Vijana Ajira na Wenye Ulemavu inashirikiana na Mamlaka ya Elimu na Mafunzo ya Ufundi Stadi (VETA) na Shirika la Maendeleo la Ujerumani (GIZ), kutekeleza mradi wa kukuza Ajira na Ujuzi kwa Maendeleo ya Afrika (Employment and Skills for Employment-E4D). Mradi wa E4D unafadhiliwa na Wizara ya Shirikisho la Ujerumani ya Ushirikiano wa Kiuchumi na Maendeleo (BMZ), Shirika la Ushirikiano wa Maendeleo wa Norway (Norad), Umoja wa Ulaya (EU) na Shirika la Ushirikiano wa Maendeleo la Korea ya Kusini (KOICA).

Katika mwaka huu wa fedha Ofisi imepanga kutoa mafunzo ya ujuzi katika fani za Uchomeleaji Vyuma Viwandani (Industrial Welding), Ufundi Bomba wa viwandani (Industrial Plumbing), na Ufundi Bomba wa Majumbani (Domestic Plumbing) kwa vijana wenye umri kati miaka 15 hadi 35. Mafunzo haya yatatolewa na VETA kwa mfumo nadharia na vitendo.

2. Fursa za Mafunzo Awamu ya Tatu

Kwa Awamu hii ya tatu, Mafunzo yatatolewa katika vyuo vya VETA vifuatavyo:

- (i). Chuo cha VETA Dodoma: fani za Uchomeleaji wa Viwandani (Industrial Welding), Ufundi wa Bomba viwandani (Industrial Plumbing), na Ufundi Bomba Majumbani (Domestic Plumbing)
- (ii). Chuo cha VETA Lindi: fani za Uchomeleaji wa Viwandani (Industrial Welding), Ufundi wa Bomba Viwandani (Industrial Plumbing), na Ufundi Bomba Majumbani (Domestic Plumbing)
- (iii). Chuo cha VETA Manyara RVTSC: fani za Uchomeleaji wa Viwandani (Industrial Welding), Ufundi wa Bomba viwandani (industrial plumbing), ufundi bomba wa majumbani (Domestic Plumbing).
- (iv). VETA Gorowa: Ufundi Bomba wa Majumbani



Implemented by:



Jointly funded by:





3. Utaratibu wa Mafunzo

Mafunzo yatatolewa kwa mfumo wa Uanagenzi: Vyuoni na viwandani, ambapo baada ya mafunzo ya nadharia na vitendo vyuoni, wanafunzi watakaofuzu watapata fursa ya kufanya mafunzo ya vitendo viwandani chini ya uangalizi wa ATE na GOPA.

Tarehe ya mafunzo kwa vitendo viwandani itatangazwa moja kwa moja kwa mwanafunzi aliyechaguliwa na itafanyika katika chuo cha VETA ambako mshiriki ameandikishwa.

4. Ugharamiaji wa Mafunzo

Gharama za kuendesha mafunzo zitalipwa na mradi kwa watakaochaguliwa. Mzazi/mlezi awe tayari kugharamia mahitaji ambayo hayatafadhiliwa na mradi wakati wa kufanya mafunzo kwa vitendo vyuoni.

5. Vigezo vya kujiunga na mafunzo ni vifuatavyo

- (i). Awe raia wa Tanzania.
- (ii). Awe na umri kati ya miaka 15 hadi 35 (Idhini ya maandishi ya wazazi/walezi inahitajika kwa waombaji kati ya umri wa miaka 15 hadi 18 wakati wa mafunzo ya vitendo viwandani).
- (iii). Awe anaweza kufika katika moja ya vyuo vya mafunzo vya VETA kama vilivyoorodheshwa hapo juu au muda wote wa mafunzo.
- (iv). Kwa kozi ya Uchomeleaji wa Viwandani, mwombaji awe na ujuzi na uzoefu wa walau mwaka mmoja.

6. Utaratibu wa Maombi ya Kujiunga

- (i). Waombaji wanapaswa kuchukua fomu za maombi katika vyuo vya VETA Dodoma, Manyara na Lindi. Waombaji wanaweza pia kupakua na kujaza fomu kupitia tovuti www.veta.go.tz na www.kazi.go.tz
- (ii). Muda wa kutuma maombi utafunguliwa tarehe 1 hadi 13 Aprili 2023.
- (iii) Mwombaji atatakiwa kuwasilisha viambatisho vifuatavyo wakati wa kushiriki mafunzo chuoni:
 - a). Cheti cha kuzaliwa au kitambulisho cha Taifa au kadi ya mpiga kura au barua ya utambulisho kutoka Serikali ya Mtaa anakoishi mwombaji (lazima);
 - b). Anwani ya makazi, nambari za simu na/au barua pepe (ikiwa inapatikana).



Implemented by:



Jointly funded by:





7. Taarifa kwa watakaochaguliwa

Washiriki watakaochaguliwa watajulishwa kwa njia za barua pepe, SMS, tovuti ya VETA na Ofisi ya Waziri Mkuu (OWM-KVAU) tarehe 15 Aprili, 2023. Mafunzo yanatarajiwa kuanza rasmi 17 April, 2023.

Kwa ajili ya kupata taarifa zaidi wasiliana na VETA Makao Makuu kwa barua pepe: info@veta.go.tz au simu nambari +255 755 267 489.

Imetolewa na:

Katibu Mkuu,
Ofisi ya Waziri Mkuu - Kazi, Vijana Ajira
na Wenye Ulemavu,
SLP 2890, Dodoma.
ps@kazi.go.tz

Mkurugenzi Mkazi,
Shirika la Maendeleo la Ujerumani (GIZ),
SLP 1519,
Dar es Salaam.
giz-tanzania@giz.de



Implemented by:



Jointly funded by:

